


Digitálak Jasskavuohtalármma



Jielleváre kommuvna

Diededibme addnijda ja lagámusájda hájmmasujton
Jielleváre kommuvnan



Gällivare
kommun

Mij la Jasskavuohtalármma

Jasskavuohtalármma l viehkkenävvo mav aná oattjotjit viehkev hähkka vidjurijn, ja dábdátjit buoredum jasskavuodav ietjat lunna.

Jasskavuohtalármav máhtta áhtsát doarjjaássudagán manna l telefávnnáájgge mánnodagá-bierjjedagá 8:30-9.30, telefávnná: 0970-818 000



Gáktu Jasskavuohtalármma installeriduvvá

Gá la oadtjum dagov mierredum doarjjaássudagás de lármmajuogos kommuvnan dujna aktavuodav válldá, ájgasboadátjit ájgev installasjávnnáj duv lunna.

Installasjávnnán dárbaaha midjij guodet tjoavddagav mij kvitteriduvvá ja guodeduvvá häjmmadievnastusbarggijda. Bargge galggi máhttet sisi bessat ja duv viehkedit gå dån la lármmim. Tjoavddagav vuorkudi lássidum skåhpan juohkka häjmmadievnastussajen.

Ájnas la IJ ADNET sihkarvuotarikkev jali lássidum sisuvsav danen gå hieret barggijt sisi bessat duv viehkeditjat.

Gåktu Jasskavuohtalármma doajmmá

- Jasskavuohtalármma l digitalak mij mierkki signálajt oadtju mobijlla telefávnnavármmadagá baktu. Jus signállafábmo l ilá vuollegis de darbahip duodde antennav installerit.
- Diebttji ietjat lármmabálluj de dån lármmi. Jasskavuohtalármma automáhtalattjat riŋgi Jasskavuohtaguovdátjij Örebro:an gånå idja biejeve gávnnuji bargge, gudi duv lárma vásstedi ja gatjádi dujsta majna viehkeve dárba.
- Jasskavuohtaguovdásj de riŋgi Häjmmadievnastusbarggijda jali aktavuodav válldá ambulánsajn jus dån häkka viehkeve dárba.
- Barggijn häjmmadievnastusán la gitta vuolepsujtármáhttudahkaj. Bargge e máhte medisijnalasj árvustallamijt dahkat valla gaskosti aktavuodav vuodosujtujn, häkkaskihpasujtujn jali ambulánsajn duv sávdusáj milta.

Ájnas la

- Ane ageve lármmakláhka ja aj gå navolda.
- Ale sjátja jasskavuohtalármav danen gå signállafábmo máhtta nievreduvvat.
- Ale ráhtti el-kontáktav.
- Lármma l persávnålasj.
- Jus vuolgå juosik, de guode lármmaboalov häjmmáj.

Aktavuodav válde lármmajuohtkusijn kommuvnan jus ...

- Målso lásav ietjat árudahkaj
- Målso árudagáv
- Målso telefávnnánummarav
- Láhppám la ietjat lármaboalov
- Sidá ruoptus vaddet ietjat jasskavuohtalármav
- Dujna li gatjálvisá, ájádusá jali ietjá gassjelisvuoda láрма birra.

Aktavuohtadiededibme

Lármmajuoogos	Telefávnná: 0970-818 608, 0970- 818 382
Doarjjaássudahka	Telefávnná: 0970-818 000
Gällivare kommun	Telefávnná: 0970-818 000

982 81 Gällivare

Ienep diededibme Jielleváre kommunvna webbabielen
www.gellivare.se

Rabá bielev Kommun och Samhälle ja de vällji sjihtjav Stöd och
Omsorg, diededimev gávna Stöd till äldre vuollelin.



**Gällivare
kommun**